

Тропарь, глас 6.

Помилуй нас Господи, помилуй нас, всякаго бо отвѣта недоумѣюще, сию Ти молитву, яко Владыце, грѣшнии раби Твои приносим, помилуй нас Господи, помилуй нас.

Слава. Господи, помилуй нас, на Тя бо уповахом, не прогневайся на ны зело, ниже помяни беззаконии наших, но призри на ны, яко Милосерд, и избави нас от враг наших, Ты бо еси Бог наш, и мы людие Твои, и вси дела руку Твоею, и имя Твое призываем.

И ныне. Милосердия двери отверзи нам, Благословенная Богородице Дево, надеющихся на Тя не погибнем, но да избавимся Тобою от бед. Ты бо еси спасение рода христианскому.

Канон, глас 3. Песнь 1, ирмос.

Пределяемое море жезлом древле, Израиль пройде яко по пустыни, яко Креста образ яве претворяше стезю, сего ради воспоем во хвалении, чудному Богу нашему, яко прославися.

Запев. Милостиве Господи, услыши мо-литву раб Своих, молящихся Тебе (**поклон**).

В день печали, нашедшия на ны, к Тебе, Христе Спасе, припадающе, Твоея милости просим, облегчи болезнь ра(бы)ба Тво(ея)его, изорцы нам яко и сотнику: иди, се здрав есть отрок твой.

Запев. Мольбы и моления, с воздыханием к Тебе вопием, Сыне Божии, помилуй нас, воздвигни со одра лежащ(ую)аго, яко ослабленнаго словом: возьми одр свой, глаголя, отпускаются греси твои.

Слава. Твоего Христе образа подобию поклоняющися (**поклон**), верою целуем, и болящ(ей)ему здравия просим, подражающе кровоточивей, яже подолце риз Ти коснуса, и исцеление недуга прият.

И ныне. Пречистая Госпоже Богородице, всем известная Помощница, не презри нас, к Тебе припадающих, моли яко Блага, Своего Сына и Бога нашего, дати здравие болящ(ей)ему, да Тя с нами прославляет.

Катавасия. Сохрани от скорбей, от болѣзни, от недуга тяжкаго раб(у)а Сво(ю)его (имя рек) болящ(ую)аго Милостиве, яко усердно к Тебѣ прибегаем, к Милостивому Избавителю и всех Владыце, Господу Исусу (поклон). Господи помилуй (трижды, с поклонами).

Песнь 3, ирмос.

Иже от не сущих вся приведый, Словом созидаема, совершаема же Духом, Вседержителю Вышнии, в любви Своей утверди мене.

Запев. Иже от тяжких болѣзней на земли поверже(на)н, к Тебѣ Христѣ, с нами вопиет, подаждь здравие телеси (ей)его, яко же Иезекии плакавшуся к Тебѣ.

Запев. Призри Господи, на наше смирение и не помяни беззаконии наших, но веры ради болящ(ия)аго, яко прокаженнаго, словом исцели (ей)ему болѣзнь, да Твое, Христѣ Боже, славится имя.

Слава. Церковь юже еси освятил, на ту Христѣ не даждь поноса, но воздвигни невидимо в недуге на одре лежащ(ую)аго, в нейжетися молят; да не рекут невернии: где есть Бог их?

И ныне. К Твоему Пречистому Богородице, образу рuce вздѣюще, вопием: услыши раб Твоих молитву и спаси в болѣзни лежащ(ую)аго, да от болѣзни востав(ши), воздаст обеты, яже в печали глаголаша уста (ей)его. **Катавасия.**

Седален, глас 8.

На одре греховнем лежаш(у)а мя, и страстьми уязве(ну)на, и якоже воздвиже Петрову тещу, и спасе разслабленаго носима со одром; тако и ныне посети Милостиве, болящ(ую)аго, понеси недуги рода нашего, Тебе единого свемы, терпелива и милосердца, милостива Врача душам и телом, Христа Бога нашего, наводяща недуги, и паки исцеляюща, подающая прощение кающимся о согрешениях, единого Милосердаго и Милостиваго.

Слава. Аз грешн(ая)и плачуся, на одре своем слежа(щи), простыню ми подаждь, Христэ Божэ, и от болезни сея воздвигни мя; яже есмь от юности грехи сотворил(а), избыти ми молитвами Богородицы сих даруй.

И ныне. Умилосердися и спаси мя, воздвигни мя от одра болезненного, мощь бо моя во мне изнеможе, и весь(вся) нечаянием одержи(ма)мь есмь, Мати Божия Пречистая, исцели недугующ(у)а люте, Ты бо еси Помощница христианом.

Песнь 4, ирмос.

Положи к нам твердую любовь Си Господи, единороднаго бо Ти Сына, нас ради на смерть вдал еси, темже Ти вопием, восхваляюще: слава силе Твоей.

Запев. Уже отчаянн(у)а лютым недугом, и к смерти приближивш(уся)ася, возврати, Христэ на живот и даждь плачущимся утеху, да вси прославляем Твою святая чудеса.

Запев. К Тебе Творче, каемся своих грех, яко не хочещи смерти грешничи; оживи, уздрави болящ(ую)аго, да востав(ши) послужит Ти, исповедая с нами Твою благодать.

Слава. Слезы Манасиины, ниневитян покаяние, Давидово исповедание приим, вскоре спасл еси; и наша молитвы ныне приими, даждь здравие болящ(ей)ему, о не(й)м же Тя молим.

И ныне. Подаждь нам Твою милость, Госпоже, всегда на Тя надеющимся, испроси здравие болящ(ей)ему, врачевней Твой руке с Предотечею Богородице, ко Господу простираючи. **Катавасия.**

Песнь 5, ирмос.

На земли Невидимы явися, и с земными волею поживе Непостижимы; и к Тебе утреннююще, воспеваем Тя, Человеколюбче.

Запев. Дщерь Иаинову уже умершу, яко Бог оживил еси; и ныне возведи, Христэ Бже, от врат смертных болящ(ую)аго, Ты бо еси путь и живот всем.

Запев. Сына вдовица оживив Спасе, и тоя слезы преложив на радость; спаси от недуга тлеущ(ую)аго ра(бу)ба Си, да и наша скорбь и болезнь на радость прейдет.

Слава. Огненную болезнь тещи Петрове прикосновением Твоим исцелив; ныне востави болящ(ую)аго ра(бу)ба Ти, да востав(ши), яко и она, послужит Ти.

И ныне. Скорбнии, смирении, грешнии, не имущии дерзновения, к Тебе, Пречистая Богомати, вопиём: умоли Сына Своего Христа, дати болящ(ей)ему здравие телеси. **Катавасия.**

Песнь 6, ирмос.

Бездна последняя грехов обыде мя, и исчезает дух мой, но простер Владыко высокую Си мышцу, яко Петра мя, Управителю спаси.

Запев. Бѣздну милосѣрдия и мѣлости имѣя, Христѣ Бѣже, внуши молѣния раб Твоих, Ты бо еси Петромъ Тавифу воскресив; Ты и ныне в болѣзни лежащ(ую)аго воздвигни, послушав церковныхъ молитвенник.

Запев. Врачу душамъ и теломъ нашимъ, понеси недуги всего мѣра Христѣ, и Енея Павломъ исцеливыи; Ты и ныне болящ(ую)аго исцели, святыхъ апостолъ молитвами.

Слава. Преложи Христѣ, на радость рыдание, о недужн(ей)емъ скорбящ(ей)емъ, да Твою получившѣ мѣлость, внидутъ в домъ Твой, со обѣтными дарми, славяще Тя в Троице Единаго Бѣга.

И ныне. Приидите О! друзи, поклонимся (**поклон**), молящѣся о болящ(ей)емъ, Божии Матери; Та бо имѣетъ власть недужныя исцѣляти со безмѣздникама вкупе, духовнымъ невидимо помазаючи масломъ. Катавасия. **Слава, и ныне.**

Кондак, глас 3.

Душу мою Господи, во гресѣхъ всяческихъ, безмѣстными деяньми люте разслабленну, воздвигни божественнымъ Си человеколюбиемъ, якоже и разслабленнаго воздвигнул еси древле; яко да зову Ти спасаемъ, Щедрый: даждь ми Христѣ, исцѣление.

Песнь 7, ирмос.

Первее телу златому, персскою чѣстїю дѣти не поклонишася, триѣ поюще посреде пѣщи огня: отцемъ Бѣгъ благословен еси.

Запев Кресту. О! Кресте пресвятый Христов, честное древо животное, тобою смерть погйбе, и мертвни воскресоша, и ныне болящ(ую)аго исцели и оживи, якоже при Елене умершую девицу.

Запев. Долгую и лютую болѣзнь Иовлю на гноищи и в червех, того молящася словом исцели еси, Господи; ныне же в церкви о болящ(ей)ем молим Тя: яко Благ, исцели невидимо молитвами святых Твоих.

Слава. Все свѣмы яко умрети нам есть, Тебе Богу, тако извольшу; но на мало время Милостиве, здравия просим болящ(ей)ему, прмени от смерти на живот, даждь скорбящим утеху.

И ныне. Пособствуй и помогай нашему сиротству Богородице, Ты бо все время и час, когда умоли Сына Своего и Бога нашего, дати болящ(ей)ему здравие и прощение от всех грех. **Катавасия.**

Песнь 8, ирмос.

Служити живу Богу, иже в Вавилоне дети претерпеша, о мусикийских органех нерадиша, и в пламени посреде стояще, богоугодную песнь пояху: благословите вся дела Господня Господа.

Запев. Кажа покажи Владыко, болѣзнию ра(бу)ба Тво(ю)его, и скоро исцели, Милостиве Христе Боже, и еще смерти не предаждь судней, да Ти покаяние воздаст; Сам бо рекл еси: не хочу смерти грешничи.

Запев. Господи Милостиве, Твоя преславная чудеса, да и до нас ныне достигнут; бесы прожени, недуги погуби, раны исцели, болѣзни уврачуй, и потворы и чародеяния, и всякая язи избави ны.

Слава. Запретивый Христэ морьским ветром, и страх ученик на радость преложит; запретит и ныне тяжким болезнем, тружющим ра(бу)ба Тво(ю)его, да вси возвеселимся, хваляще Тя во веки.

И ныне. Избави Богородице, от обышедших ны печалей, бед же и скорбей, и всех различных недугов, отравы же и чародейства, и бесовскаго мечтания, и от урока злых человек, и напрасныя смерти, молимся. **Катавасия.**

Песнь 9, ирмос.

На Синастей горе виде Тя в купине Моисей неопальну, огонь Божественный зачещу во чреве; Даниил же Тя виде, гору непресечену; жезл прозябшии, Исаия взываше, от корене Давыдова.

Запев (поклон). Источниче жизни, подателю Христэ милости, не отврати лица Твоего от нас, облегчи болезнь утружен(ой)ому болезнию, и воздвигни яко Фаддеом Авгаря, да присно Тебе славит, со Отцем и Святым Духом.

Запев. Евангельскому верующе гласу, Твоего ищем обета Христэ, просите бо рече, и дастся вам; тем ныне предстояще молим Тя: востави со одра здрав(у)а, лютым повержен(у)а недугом, да Тя с нами вкупе величает.

Слава. Мучим(ая)ыи недугом, внутри невидимыми ранами, Тебе Христэ, с нами вопиет; не нам Господи, ни нас ради, вси бо есмь исполнены грехов, но Матерними Ти и Предотечевыми молитвами даждь исцеление болящ(ей)ему, да Тя вси возвеличим.

И ныне. Божия Мати Пречистая, со всеми святыми призываем Тя, со ангелы и архангелы, с пророки и патриархи, со апостолы и святители, с преподобными и праведными, молитися Христу Богу нашему дати здравие болящ(ей)ему, да Тя вси величаем. **Катавасия.**

Достойно есть (поклон земной). Трисвятое и по Отче наш. Молитва Исусова. Аминь. Тропари: Помилуй нас, Господи; и: Господи, помилуй нас. Слава, кондак: Душу мою, Господи. И ныне, богородичен: Милосердия двери. Господи помилуй (40). Слава, и ныне.

Запев: Милостиве Господи, услыши молитву раб Своих, молящихся Тебе (поклон).

Молитва. Бóже сильнии, милостию стрóяи вся, на спасéние рóду человéческому, посети ра(бú)ба Сво(ю)егó (сию)сегó (и́мя рек), нарица́ю(щу)ща и́мя Христа́ Твоегó, исцели́(ю) егó от всякаго недúга плотска́го и душевна́го, и отпусти́ грех, и грехóвныя собла́зны, и всяку напа́сть, и всякое нашéствие неприязненно, далéче сотвори́ от ра(бы)ба́ Тво(ея)егó, и воздвигни от одра́ грехóвнаго, и устрои́ (ю)егó во святúю Твою́ цéрковь, здрав(у)а душе́ю и тéлом, и дéлы дóбрыми сла́влящ(у)аго со всéми людьми́ и́мя Христа́ Твоегó, я́ко Тебе́ сла́ву возсыла́ем, со безначáльным Ти Сы́ном и со Святы́м Дúхом, ны́не и прísно и во веки веко́м, ами́нь (поклон земной).

Честнейшую херувим. Слава, и ныне. Господи помилуй (дважды), Господи благослови (с поклонами).

Отпúст. Господи Исúсе Христé Сы́не Бóжии, моли́тв ра́ди Пречи́стыя Ти Ма́тери, си́лою честна́го и животворяща́го Креста́, заступлénием честных небéсных сил безплóтных, честна́го и сла́внаго проро́ка и Предоте́чи Крестите́ля Иоáнна, святых сла́вных и всехва́льных апо́стол, святых добропобéдных мúченик, преподóбных и богонóсных оте́ц на́ших, святых чудотворец и безсрéбреник Козьмы́ и Дамиána, Кíра и Иоáнна, и всех ра́ди святых, помилуй и спаси́ болящ(ую)аго ра(бú)ба́ Сво(ю)егó (и́мя рек), я́ко Благ и Человеколюбец. Ами́нь.

Господи помилуй (трижды), и обычные исходные поклоны.